

十朝东华录

道光朝

第八
函七册

秋七月丙午諭前據劉彬士奏程含章提用商綱銀六萬三千兩係屬額外溢支並不追溢完餘價程含章回奏彼此各執一詞當降旨交琦善前往浙江會同朱士彥秉公確查茲據奏稱每年所收商綱多則三萬八千餘兩少則一萬一千餘兩銷引有衰旺故輸款有多寡此項商綱及備公二款歷任巡撫均係各歸各任扣算提支若照每綱引額科算按年提銀二萬餘兩則遇僅收二萬餘兩之年又將如何找補此項贏餘銀兩從不列款報銷卽屬程含章應提之款並非贓私可比上年所完正餘引一百三十餘萬道係自嘉慶二十二年戊寅綱起至道光六年丙戌綱止所完多係舊引豈得謂之溢完該商等雖完課在先查明鹽未銷出仍應著追餘價部議甚明劉彬士將上年九月奉旨加價日起至十二月初六接准部文之日止所完引課比較道光五年計多完四十餘萬引一律作爲溢完奏准餘價於鹽斤已未售賣轉未確查與成案及部文俱不相符自應照原奉部文查明已未銷售覈辦等語程含章查無額外溢支及漏追餘價情節其回奏存留商綱一千餘兩聲敘舛錯且出費捐辦各項於商綱寬裕時照數提還實屬見小至甄別副將鄧宏參將吳賜二員及委令副將徐慶超遊擊李鶴松等遞相接署俱於具奏後始行知照提督亦與體制未協均應交部議處惟伊從前列款參奏劉彬士率聽不根之言妄行入告爲先發制人之舉其咎尤重業經吏部議以革職本應照議罷斥姑念其平日居官尙好程含章著加恩以員外郎用以觀後效劉彬士因恐本年滯銷商綱不敷支用何難設法疏銷俾臻充裕乃奏請追補餘價既未查照部文又於商綱一款不查明原委率行瑣屑入奏亦屬不合劉彬士著交部議處○諭軍機大臣等御史吳敬恆奏衍聖公官屬濫給劄付請嚴示限制一摺據稱近年坊刻摺紳內載衍聖公官屬自林廟守衛司百戶管句司樂以至各屯官等職或每年更換或數月更換雖給劄付咨查原籍並非該員自充實皆託人頂替其僅執劄付未刊入摺紳者又不凡幾並聞該處有包攬之徒攜帶劄付自赴各省私行濫給誑騙招搖其弊百出且司樂一官秩止七品卽挂朝珠黃綠各送賄賂公行再衍聖公官屬一接劄付無論父母存歿捏告終養所遺之缺卽另補他員展轉遞讓俱爲將來覃恩地步難保無身家不潔等語國家尊崇至聖先師至優極渥惟四氏學教授學錄例由衍聖公咨送吏部具題如該御史所奏該員竟有託人頂替及包攬之徒攜帶劄付私行濫給並捏告終養展轉遞讓等情或卽係不肖屬官之所爲該御史既有此奏著賀長齡秉公確查具奏毋任有頂替滋弊並濫給混淆情事其將來呈請封典亦著衍聖公詳悉查明不得以身家不清之人濫竊恩綸以昭嚴實○前任工部尚書陸以莊卒○戊申參贊大臣楊芳謝恩得旨汝之忠勇朕早知之有力擒拏逆首立功身膺懋賞勉之又勉○己酉頒御製四體字憫忠詩勒石喀什噶爾昭忠祠○辛亥諭總管內務府大臣等前於道光四年經內務府具奏將宮內各處原設器械火藥等項全行交出更換木棍其圓明園內除技勇學所留長槍腰刀等項軍器並綺春園存留巡更烏槍撒袋均經交出更換木棍是宮內圓明園卽不應另有收存軍器僅有私行藏匿卽屬大干例禁況太監等供奉內廷尤宜安分守法敬謹當差豈得以違禁

器械任意攜入宮禁總由該總管太監等平日漫不經心應查不查遂至視為故常致有自鳴鐘大監劉得英吳喜在園內私放鳥槍之事除此案交內務府嚴審定擬外各處太監或不免有私藏軍器之處自應嚴加整飭以肅宮禁惟令立時舉行交出轉恐該太監等心存畏懼仍復隱匿不能覈實著予限十日令各該處首領太監等出具並無私匿器械甘結報明本管總管太監由總管太監於本管處所復行逐細嚴查覈實具奏仍加結交敬事房並總管內務府衙門存案經此次查辦後除技勇學太監仍照前定章程准其學習技藝外如有臂不畏法膽敢仍蹈前轍私藏軍器之人查係弓箭弩彈等物即照例治罪備竟敢將鳥槍火藥金刃器械仍前收藏一經發覺必將其人照違旨例加等問擬即行正法該管首領太監匿不隨時報出即照為從例治罪本處同伴太監耳目切近尤易知覺果能立即告知該首領不難隨時敗露如經告知首領首領尚為隱匿則專治首領之罪首報太監即應免究若太監等心存瞻顧不行舉發事犯時本處太監無論知情不知情一槩照為從例治罪其各門首領太監於各處太監出入私行攜帶時未能查出一併從嚴究治該總管太監等此時不行詳查將來別經發覺一併嚴懲不貸著通行曉諭宮內圓明園等處將此旨恭錄懸挂俾各懷遠著為令○王子諭協辦大學士禮部尚書汪廷珍人品端正學問淵博嘉慶十七年蒙 皇考仁宗睿皇帝簡用上書房師傅與朕朝夕講論非法不道迨二十三年受任總師傅倍加勤慎攷古證今深資啓沃朕親政後畀以左都御史禮部尚書擢襄綸閣晉錫宮街凡所陳奏均得大體本年閏五月間遵疾疊經賞假調理遣醫診治並賞給人參派員署理部務猶冀期就愈倚任方長遽聞溘逝實深悼惜著加恩晉贈太子太師入祀賢良祠賞給陀羅經被派奉宸苑卿奕紀即日齋往大阿哥於初十日帶領侍衛十員前往賜奠由廣儲司賞給銀一千兩經理喪事其任內一切處分悉予開復所有應得卹典該部察例具奏伊次子候選主事汪報原俟服闋後遇缺卽補以示朕篤念耆臣至意尋予葬葬諡文端○張志緒休致以葉紹本為山西布政使何煊為廣西按察使由補選○乙卯以鍾昌為盛京禮部侍郎福勒洪阿署兵部右侍郎由內閣學士署○丙辰以姚文田為禮部尚書湯金釗為左都御史轉顧皋為戶部左侍郎調李宗助為戶部右侍郎以白鈐為工部右侍郎由內閣學士署○丁巳以吏部尚書盧蔭溥協辦大學士○己未諭通州民人文炳等呈遞封章控告英和家人張天成增租擾累一案見經托津等訊明擬結英和當時置買此地並不問明原租致張天成私加租息且徐永祥以在官人役司其家事輒聽聽張天成商令捏情控告漫無覺察迨該佃戶等連次將被控情由呈訴懇求減租亦難諉為不知乃任聽張天成等捏詞搪塞不加深究及降旨令其明白回奏又不據實陳明意存隱飾本應照托津等所議革職治罪姑從末減著革去紫轡卽開協辦大學士之缺仍交部嚴加議處○以富俊為理藩院尚書協辦大學士由吉林將軍選○庚申諭國家簡用大臣匡襄治理必須謹慎持躬公忠任事方為無忝厥職承受國恩昨非和於伊家人張天成私加租息被控一案其失於覺察尚係過之小者惟徐永祥以在官人役輒與伊家人交好已屬漫無約束甚至司其家事商同捏情控告租息苦累聞閭若非英和平時信任驅使何至孤假虎威肆無忌憚英和受 三朝厚恩應如何戒滿持盈益加

敵懼乃不自檢束聲勢赫耀竟致非其所屬之州縣亦有仰希風指意存見好之事此在明季宦族專權縱恣招搖生事或不免倚勢欺陵我朝綱紀肅清官方砥礪豈容恃妄爲至此從前和珅專擅其始不過一二無識之徒趨承依附漸至自作威福中外側目莫敢上聞所謂涓涓不塞遂成江河者不至於潰敗決裂不止若使大員稍有憑藉即可妄行則位冠列卿職居津要者將復無所底止朝廷豈尙有法紀乎凡爲大臣者承恩愈厚尤當受寵若驚夙夜靖共常存敬畏何至啓人迎合自蹈愆尤爲此特降諭旨剴切申誡嗣後在廷滿漢大臣務益矢公忠倍加恪慎庶幾克承恩眷永保令名以副朕教誨成全之至意○辛酉以那清安爲熱河都統松筠署左都御史_{由禮部尚書兼署}○奏查論本日吏部議處英和請照違制私罪革職英和在官人役徐永祥司其家事與家人張天成商同捏情控告追佃戶等連次呈訴復任聽捏詞搪塞不加深究又不據實陳明本應照部議革職姑念其平日辦事尙屬認真亦曾出力英和革去理藩院尚書鑲黃旗滿洲都統並太子太保銜拔去花翎加恩賞給二品頂帶補授熱河都統以觀後效○除江蘇長洲吳縣義家地賦○以那清安母老命仍爲左都御史○甲子諭軍機大臣等長齡等奏喀拉提錦布魯特比效順並卡倫外近日籌捕情形及保奏各城參贊大臣各摺朕閱該將軍等所奏喀拉提錦布魯特比薩底克既願出力報效親見張格爾帶數十人窮威逃往達爾瓦斯何難在彼設法擒獻乃復遠來卡內送信始回該部落與沙伊布拉伊木商同擒拏是其狡詐情狀已屬顯然即前此各處偵探逆裔潛匿地方迄無定所是否該逆竄逃無常抑係該夷等虛詞搪塞爲嘗試官兵之計該將軍等不加深究輒以入告試問該逆果有確蹤各部落同心效順何至四五月之久竟同海捕計自克復四城後虛糜帑項不可勝數長齡等不自知籌辦之失宜仍欲留兵荒微俟剿捕得手再行陸續撤回豈不思官兵出卡既不能深入窮追轉令外夷窺我虛聲啓其輕視之心所關甚鉅而轉餉之難尙屬其次長齡等接奉此旨著即將出卡之將領官兵全行撤回仍檄諭外夷各部落以張格爾入卡肆逆荼害生靈實爲元惡大惡罪不容誅見在各部落既多輸誠效順情願截諒該逆竄泊遊魂不難擒縛來獻以邀封賞大皇帝因官兵出卡駐紮恐爾恭順各部落不無驚懼並恐官兵不無滋擾特降恩旨曲加體恤即將大兵全行撤回卡內爾等部落益當勉竭誠悃商同設法將逆酋張格爾迅速擒拏或獻誠軍門必當奏明大皇帝照前懸賞格悉加封賞該將軍等一面繕發檄諭一面即將大兵暫留八千名其餘均即分起凱撤自楊遇春楊芳齊慎以下將領及御前乾清門侍衛巴圖魯侍衛等悉令進關楊遇春仍遵前旨督押官兵進關後來京陛見再回總督之任楊芳等各回原任前經降旨將東三省官兵先撤二千茲亦著全行撤回歸伍長齡著暫留喀什噶爾督同各城參贊辦事大臣等辦理善後事宜及設法擒拏張格爾務獲俟一切軍務完竣再行奏明候旨所留官兵八千名應如何酌量分布各城即著體察情形辦理所奏蘇倫保骨殖即著色普清額攜同歸葬並飭沿途地方官妥爲照料以慰忠魂前據鄂山奏善後事宜一摺著鈔寄長齡等閱看是否可行一併妥議具奏並發去新鑄葉爾羌辦事大臣印信一顆交長齡等祇領頒給可也○乙丑以盧坤爲山東巡撫_{前在陝西巡撫}○戊辰免兵差過境兼辦糧運之伊犁各城甘肅各

州縣窮民協濟軍需之甘肅陝西各州縣十分之六兵行過境之盛京吉林黑龍江順天直隸河南四川各州縣額賦十分之四○
諭上年逆裔張格爾入卡滋事攻陷城池戕害官弁葉爾羌人塞阿克蘇之伊勒都軍臺官兵被賊傷害追額爾古倫打退賊
眾復致糾約回匪五六千人在距城八十里之渾巴什河南岸屯聚向西北行走逼近烏什邊界烏什存城官兵不滿三百時揚威
將軍長齡由伊犁取道那拉特卡倫距大營尙遠賊氛熾勢若燎原僅守禦無方致有失事則東四城俱危如朝露尙復成何事
體長清甫經到任卽能激勵回兵查拏奸細嬰城固守調度得宜並以烏什輔車相依分兵防堵鉦鼓相聞聲勢聯絡巴哈布接據
蘇倫保求援之信卽調土爾扈特和碩特蒙古兵帶其子札爾漢迅速前往奮不顧身達凌阿一聞徵調卽帶勁兵往援與長清盡
力防禦渾巴什河南岸及烏什察哈拉克臺之戰達凌阿巴哈布督兵迎剿殺賊無算並將賊首庫爾板素皮等殲斃已爲殄賊之
先聲是長齡等未到營之先非長清不能力扞孤城非達凌阿巴哈布不能痛殲賊魄保障東四城俾大兵進取有資厥功甚偉
見當大功告竣允宜特沛殊恩用酬懋績長清達凌阿巴哈布俱著賞給雲騎尉世職長清之子翰林院筆帖式富春著加恩以六
部主事卽補巴哈布之子札爾漢前已降旨賞給筆帖式著加恩以六部筆帖式卽補達凌阿之子慶安年甫十四著俟及歲時加
恩以六部筆帖式卽補以示朕論功行賞之至意○庚午諭上年逆裔張格爾入卡滋事朕命將出師聲罪致討天戈所指四城立
克若能卽日擒渠膚功全載則揚威將軍長齡等宜如何論功行賞殊勳偉績自不待言矣乃張逆先期遁去至今迄未就獲實由
長齡等辦理不善所致今當凱撤竣功在事出力人員均應敘績加恩其中亦不能不略示區別長齡前因三戰皆捷已賞加太子
太保銜此時無可施恩俟拏獲首逆再降恩旨參贊大臣楊遇春於克復喀什噶爾後親自帶兵收復英吉沙爾葉爾羌二城並派
楊芳等攻取和闐調度得宜楊遇春著賞還太子太保銜仍交部從優議敘其子都司楊國佐著賞加遊擊參贊大臣武隆阿前因
患病回喀什噶爾後甫出圖舒克塔什卡倫又復因病折回並無出力之處無可施恩今已授喀什噶爾參贊大臣著隨同長齡辦
理事務後事且並嚴緝張格爾務獲以觀後效參贊大臣楊芳上年在柯爾坪前敵著有勞績本年收復和闐一切布置俱合機宜並
生擒賊目噶爾勒伊本兼雲騎尉世職著加爲騎都尉並挑乾清門行走仍交部從優議敘新授都統哈喇阿副都統阿勒罕保卓
爾琿保優楊泰吉勒通阿德海新授烏什辦事大臣多貴新授英吉沙爾領隊大臣那桑阿新授喀什噶爾幫辦大臣蘇清阿新授
葉爾羌幫辦大臣扎克桑阿俱著交部從優議敘內閣學士容照桂輪副都統統新授阿克蘇幫辦大臣容安伊犁領隊大臣恩緒俱
著交部議敘新授察哈爾都統安福著賞戴花翎伊犁領隊大臣祥雲保領陞武上年帶領伊犁官兵行走遲緩本應革職治罪因
查由冰嶺難行責令圖功自贖該二員功過僅足相抵無庸給予議敘甘肅提督齊慎陞陝西漢中鎮總兵臣天俸四川重慶鎮總兵
余步雲山東登州鎮總兵成玉甘肅永昌協副將胡超莊浪協副將李士林安西協副將郭繼昌金塔協副將張國相雲南曲尋協
副將周志林俱著交部從優議敘其辦理糧臺及轉運各員經理妥協尙無貽誤俱著交部議敘署陝甘總督陝西巡撫鄂山總理

軍需事務繁劇著加太子太保銜並賞戴花翎新授山東巡撫盧坤著加太子少保銜烏嚕木齊都統英惠著賞戴花翎新授喀什噶爾幫辦大臣副都御史誠端著賞給二品頂帶英惠鄂山盧坤誠端仍俱著交部從優議敘新授葉爾羌辦事大臣副都統恆敬庫車辦事大臣頭等侍衛那彥寶新授和闐領隊大臣頭等侍衛果良額新加副都統銜授庫爾喀喇烏蘇領隊大臣常格俱著交部從優議敘吐魯番領隊大臣副都統銜廣音泰前因陳奏不實被去花翎部議降調已如恩改為革職留任無庸給與議敘土爾扈特貝子巴勒丹喇什和碩特頭等台吉烏爾圖那遜前因帶兵出力已加恩挑乾清門行走仍俱著交理藩院從優議敘土爾扈特管旗章京隴吉特甲喇章京額爾德尼等俱著交理藩院議敘其跟隨巴哈布打仗之蒙古阿勒巴圖一千名再者賞銀一千兩此次議敘各員均著照軍功例議給用示朕振旅策勳有功必錄之至意○壬申以書諭勤勞督曹振鏞太子太師蔣攸銓文孚太子太保加王鼎王麟太子少保○癸酉以琦善為內閣學士兼禮部侍郎銜○是月給奉天錦州等三府州縣水災旗民口糧緩徵山西薩拉齊廳屬水災額賦

八月庚辰以阿勒清阿為廣東布政使桂良為河南按察使

由四川建昌道遷

○壬午諭長齡等奏官兵出卡剿洗逆黨情形前據長齡等

奏稱探知張格爾逃往卡外在達爾瓦斯之藏堪地方藏匿楊遇春楊芳分帶官兵前往追捕茲據奏於七月初七日在塔里克打坂相近地方遇見賊匪二千餘人當經副將郭繼昌等督兵迎擊賊匪上山用槍抗拒協領壽昌等直上攻擊斃賊二三百名該匪復敢放槍抵敵協領都凌阿委參領郭全首先攻上均中槍陣歿嗣經官兵擊斃督陣紅衣賊目三人始敗退後面山梁踞紮旋經楊芳督同領隊安福等分路進攻郭繼昌等由賊後兜擊賊匪腹背受敵拚死抗拒官兵兩面夾擊斬擒一千五百名逃走者僅百餘人侍衛色克精阿委參領巴爾江阿守備蔡汝寅及參領哲里善均先後被傷陣亡殊為可惜該將軍等既深知張逆藏匿地方派兵出卡追捕自應倍加慎重乃虛延時日糜費兵餉竟令零星殘匪傷我官兵縱將該逆黨斬獲多名已屬不值長齡等調度失宜辦理不善咎無可辭長齡楊遇春楊芳武隆阿俱著交部議處安福首先擊賊致受槍傷著賞給醫藥巴圖魯名號其陣亡之都凌阿等著交部照例議卹所有傷亡官兵著該將軍等查明咨部照例賜卹○諭軍機大臣等據長齡等奏官兵在卡外剿洗逆黨兵將間有傷亡霍罕回稟殊不足信並籌議善後請以逆裔管理西四城各一摺大兵克復四城已經數月迄未得逆首張格爾實在蹤迹虛延時日糜費兵餉止遏逃竄卡外零星殘匪竟敢損我官兵雖據奏斬擒逆匪千餘名逃脫者不過百餘名而我帶兵將弁及兵丁等已傷亡數十人之多殊為可惜不值之至外夷各部落內聲言效順者既知其為緩師圖賞之計乃猶稱布魯特威親兵威或將該逆擊獻豈非仍在夢中其霍罕伯克之謫詐又何待遣使來營求賞元寶始為派兵擒渠方知其妄長齡等總不咎前此辦理之失宜迨接奉六月十六日所降諭旨飭將卡外官兵酌撤始為此奏披覽之下憤懣殊深大兵久駐卡外各布魯特勢不能不自保其疆圍既有逃竄零星回子依附其地亦止可待其來而殲之何得墮其詭計深入其阻況張格爾並不在其中更不

值輕勞兵力致損國威而張賊勢至所奏善後之策竟請以久經羈留之逆裔阿布都哈里賞給職銜放歸回部管理西四城回眾尤爲紕繆之至長齡老諍糊塗一至於此武隆阿隨聲附和俱著嚴行申飭爲今之計總當遵奉前旨將西四城仍照舊章辦理一切分兵防守及清查叛產籌備糧餉並種種未盡事宜作速從長計議務期經久無弊方爲妥善其所奏傳聞霍罕伯克以張格爾係無足重輕回子該伯克既不肯將其孽族又不肯將其家屬送出卽永遠不准入卡貿易一節尙爲得體稍合朕意該將軍等一面籌撤官兵議及善後一面設法擒拿張逆小心防範各城若再稍有挫失首逆又不可得試問能當此重罪耶○乙酉調鍾昌爲刑部右侍郎特登額爲盛京禮部侍郎○己丑諭長齡等自克復四城距今已六月之久張逆愈竄愈遠不能立定主見籌辦萬全轉頓兵荒徵虛延時日糜費兵餉致零星殘匪傷及官兵雖據奏斬擒一千五六百名脫逃僅百餘人究屬長齡等辦理不善咎無可辭本應照部議革職姑念道路遼遠一時難以更換長齡楊遇春楊芳武隆阿俱著從寬改爲革職留任以觀後效○壬辰調多山爲盛京工部侍郎海齡爲盛京刑部侍郎○癸巳諭那彥成奏裁汰通省挂名吏役覈實查辦完竣所辦認真甚屬可嘉直隸大小衙門挂名吏役過多包差滋擾苦累閭閻前經該督奏奉諭旨酌定應留名數造立循環冊簿年終報明該管道府具報總督衙門查點餘皆革退不准額外增添茲據奏嚴飭各屬將各該衙門酌留吏役名數分別造冊具結呈送查覈並委道府丞倅分往確切查點按名寫榜出示懸挂城鄉俾眾知曉見據冊報通省革除吏役竟有二萬三千九百餘名之多官官相護明比爲奸尙復成何政體直隸如此他省諒亦不免著通諭直省各督撫一律飭查據實裁汰按照那彥成所奏章程辦理儻於查辦後地方官復敢額外私增或棍豪冒充肆擾一經查出卽將該地方官嚴參議處吏役加等治罪此係各該督撫必當認真查辦之事要在行之以實持之以久毋得視爲具文用副朕釐剔弊端至意○以龔守正爲內閣學士兼禮部侍郎銜
由簡事題○丙申諭軍機大臣等前據蔣攸銔等奏來年新漕仍行海運盤壩當經降旨准其海運惟盤壩一節彼時卽不准行其軍船本係空出准其暫留河北以備萬有一然之需朕思海運原非良策以今年河湖情形而論本可不行惟該督等既以河漕不能兼辦意在騰出身復以清刷黃之舊要知清水既能刷黃焉有不能濟運之理朕因蔣攸銔到任後或別有所見聞抑河湖另有別情是以暫從所請此後並未另有所奏可見伊等所以復籌海運兼將同空軍船截留河北者意在一行海運清水卽無庸多蓄高堰可保無虞明春清水不能敵黃又恃截留軍船爲盤壩之用總爲自卸干係巧占地步止顧目前於國計並不通盤籌畫試問爲國乎爲身乎受國厚恩任用之人其可不秉天良耶再此項軍船截留河北水手聚集彈壓匪易油脰修理諸多不便伊等恃有此項軍船轉將清水消洩過多明年必不能敵黃濟運成何事體總之清水多蓄固可慮消洩大枯亦是伊等之咎前於張井等秋分河湖平穩摺內批示甚明來歲新漕除蘇松常鎮太倉仍行海運外其餘軍船總期照常北渡卽萬不得已亦止准用本年倒塘灌運之法並著該督等各秉天良體察情形海運如可停止仍由內河行走卽將前議撤銷可也所有本年江南首二進回空軍船俱著全行及早歸次斷不准截留河北

以爲盤壩之用。僦明年河道不能通暢，貽誤漕運，咎有攸歸。朕言出法，隨決不寬貸。○百春以病解任，命福祿以三品頂帶爲倉場侍郎，調盧坤爲山西巡撫，以琦善爲山東巡撫。由學士調○是月，賑陝西略陽縣湖北江陵監利二縣水災，給江淮等處被災丁月糧，緩徵長蘆、滄州、甯河縣及嚴鎮場被水電課，蠲緩江蘇高郵等四十七州縣衛廳被水新舊額賦。

九月丙午，諭軍機大臣等：蔣攸銑等奏籌備來年接運新漕，請先行借撥銀兩爲盤壩經費一摺。本年大汛已過，見交霜降水勢有消，無長黃河經汛水刷滌較前暢順，洪湖存水一丈五尺餘寸，見將壩河全行堵閉，不至宣洩過甚。看此情形，明年新漕抵壩正可乘黃水未漲之前，照常開壩放船，則趲渡一幫卽免一幫之阻滯，或江廣重船到時，汛水業已長發，不能啓壩放行，亦可仍用倒塘灌放之法，俾令原船北來，省卻無數周折。況今春倒塘渡船均已全數抵通，有早無遲，何不可以倣照辦理，而必亟亟議及盤壩？雖據奏水勢長落靡常，恐致臨時貽誤，爲萬不得已之請，無非先占卸責地步。豈實心爲國之道？若沾沾目前，並不爲國是經人計止，圖自卸干保，則兩江重任盡人皆可爲之，何必特加筭耳？該督惟當遵前旨，與訥爾經額等會同妥辦，不得再議盤壩所請。先於江蘇藩關各庫借撥銀六十萬兩，豫備應用之處，著不准行。○戊申，上閱健銳營兵。○諭軍機大臣等：長齡等奏卡外官兵先後撤回楊遇春等帶領酌撤違省官兵起行並審辦賊目飭拏逆首情形一摺。官兵出卡追捕張逆日久未獲，早應撤回，同管以節無益之費。見據什克南將助逆之布魯特大頭目集場伯克拏獲解營審辦，訊係張逆緊要賊目，該伯克庫布特既經此次獎諭，令其設法擒拏逆首拔達克山伯克密勒雅爾，亦經長齡等獎其來使，仍令擒拏立功懋膺封賞，固可期其認真出力。其喀什噶爾回子多列特胡達巴爾底自願以家屬爲質往拏張逆，亦尙可信。惟此時止應令伊等自行設法擒拏，無須兵力。如能得有報獲逆首確信，再酌量派兵接應護解來營，尙無不可。至帶兵大員哈琅阿等前已降旨分別施恩，伊犁領隊大臣碩隆武因上年帶領伊犁官兵行走遲緩，本應革職治罪，從寬責令圖功自贖。此次隨同出力功過僅足相抵，仍遵前旨無庸給予議敘。再前經武隆阿帶往之山東開復知縣章寅，續經程含章參奏該員虧短庫項降旨革職，聞見在會否解往山東，如尙未起解，卽著長齡等迅速派員押解前往歸案審辦。又從逆伯克博巴克爲張格爾親信黨與，既帶叛回竄出卡外，復由霍罕逃出，糾約零匪二千餘人往尋張逆。經官兵在塔里克打坂地方截拏，復敢迎拒傷我官兵，將來生擒該逆時，卽著派員押解來京，盡法懲治，以彰國憲。再據御史錢儀吉奏稱：此次南路辦理善後，非增駐兵丁不足以壯軍威，而官兵既多，難盡取給於回部，自應倣照北路開設屯田，喀什噶爾之東大河沿一帶傍烏蘭烏蘇河岸多有舊時溝渠遺迹，且由此至阿克蘇又是捷徑，可否於所謂各兵內擇其曾在伊犁烏魯木齊屯土種地者酌留數百名於大河沿一帶分築數堡，使之居住，俟交春令逐漸開墾，所收糧石分貯喀什噶爾及阿克蘇兩城，或於巴爾楚克地方建置倉廩尤爲適中之地。南北聲勢亦足聯絡等語。官兵留駐各城較前增多，自應豫籌經久之策，以供兵精該御史所奏屯田裕餉不爲無見。第開墾新荒急切難以奏效，前經該將軍飭查叛產爲數甚多，見在會否清釐。將來卽以查出叛產酌

留熟悉屯工種地兵丁分領耕種再將官荒地畝逐漸開墾未始非邊備之一策惟議及屯田必須先導水道其大河沿等處地方是否舊有溝渠遺址此外能否另籌引水灌田溝洫著長齡等詳勘妥議奏明辦理○癸丑以秋讞失出五起降多山以四品京堂候補以保昌為盛京刑部侍郎即普保署左副都御史

○乙卯命福珠隆阿以三品卿銜巡視兩淮鹽政以張青選為湖北按察使

○丙辰以孝穆皇后梓宮奉移寶華峪上詣梓宮前奠酒○實授伊里布雲南巡撫○實授嚴烺河東河道總督賞還二品頂帶○己未富呢揚阿丁憂以慶善為浙江布政使衍慶為江蘇按察使

○庚申上啓鑒謁東陵○免經過地方額賦十分之五○辛酉孝穆皇后梓宮至寶華峪暫安於享殿○壬戌上謁昭西陵孝陵孝東陵景陵

裕陵○癸亥諭上年張裕爾入卡滋事朕命將出師志在肅清元惡本年二月進兵戈所指四城迅就蕩平惟逆首尚未弋獲朕思該逆茶毒生靈斷無久逃天網之理不值入勞師旅今出卡大兵全同大營各城辦事大臣俱經簡放一切善後事宜即可及時經理喀什噶爾見有武隆阿誠端蘇清阿三人長齡無庸在彼督辦著即來京供職伊犁將軍著德英阿補授伊犁參贊大臣著

容安補授即赴新任見除凱撤官兵外留防官兵尚多不可無大員統轄參贊大臣楊芳著暫留喀什噶爾所有一切善後事宜會同武隆阿等妥速辦理事竣聽候諭旨各要激發天良和衷共濟不准推諉並著四城大臣各就該城情形妥籌經久之策知會楊

芳武隆阿等會同具奏其揚威將軍印信及武隆阿參贊大臣印信遇有大員入都之便俱著齎帶回京○甲子上至寶華峪臨視孝穆皇后奉安地宮奠酒畢回鑾○以萬年吉地工程堅固晉戴均元太子太師復英和一品頂帶○乙丑張青選緣事

降調以李文耕為湖北按察使○丙寅移湖北穀城縣願灘千總駐浹河范家寨外委駐廟灘○丁卯上還京師○己巳添設馬蘭鎮額外外委一○庚午程祖洛丁憂以楊國楨為河南巡撫陸言為河南布政使

○是月加賑陝西略陽縣水災緩徵甘肅甯夏等三州縣山東恩縣等五縣新舊額賦河南臨漳等十一縣災歉速賦齊齊哈爾等四處前貸銀穀

冬十月癸酉朔河南巡撫程祖洛奏明巧宦焦芳明史列入閣黨不知何時入祀泌陽縣鄉賢祠應請撤去得旨所辦是必須細心酌覈毋得濫入○戊寅諭軍機大臣等德英阿覆奏查議伊犁至喀什噶爾由草地行走道路情形一摺伊犁由特穆爾圖海北至

喀什噶爾草地不但較冰嶺一路平坦易行即比之海南一路亦有樹木可供柴薪惟海子南北全係布魯特遊牧地方尚須詳加查勘見值大雪封山難以行走著於明歲春融後德英阿容安二人內酌量一人親往履勘再行定議朕聞冰嶺迤西另有一路可

通烏什更為便捷惟久經封閉並著詳加踴度程站遠近行走難易是否亦有布魯特在彼遊牧能否於中途豫備馬匹接替更換一併體察情形悉心妥議奏明候旨○己卯諭清語騎射為滿洲根本人所應習各省駐防滿洲人等原係由京分駐非綠營可比

亦應一體習學清語昨據廣州將軍慶保等具奏甄別官員一摺竟用漢字書寫而請安摺亦用漢字成何事體廣州駐防官兵不下五千餘人豈無一寫清字之人乃慶保等於循例事件竟亦率用漢摺深染漢人習氣殊為可笑若不加以整飭久之滿洲舊業

必致廢弛慶保已杭阿花沙布俱著傳旨申飭並著曉諭各省將軍副都統嗣後如係人命詞訟以及奏銷錢糧數目等事尚可用漢摺陳奏其滿營循例應辦事件俱著以清摺具奏各省將軍副都統等其仰體朕意將所屬滿洲官兵教以清語騎射俾各精熟毋得漸染漢人習氣廢弛滿洲舊業○庚辰以甘肅應付兵差免嘉慶二十三年至道光五年通省民欠正雜銀兩○丙戌禮部尚書姚文田卒予祭葬諡文僊○以湯金釧爲禮部尚書潘世恩爲左都御史轉杜壩爲吏部左侍郎調辛從益爲吏部右侍郎以韓

鼎晉爲工部右侍郎署禮部右侍郎○戊子以裕誠爲內閣學士兼禮部侍郎銜由副都統○調賀長齡爲江南布政使以鍾祥爲山東布政

使調李文耕爲山東按察使以尹濟源爲湖北按察使由四川成德龍茂道遷○以吳光悅爲左副都御史周錫章爲湖北布政使姚祖同爲

廣東按察使候補品京堂○己丑諭惇親王縣愷著先行退出內廷行走其一切差使無庸管理宗人府宗令著英紹補授所遺右宗正

員缺著尙格補授武英殿御書處著派穆彰阿管理暢春園事務著縣愷管理○諭蔣攸銘等奏遵旨議覆海運事宜一摺各商船

運米應給水腳等項及一切經費除天津通州用款按照上屆章程應動漕項銀兩湊撥濟用外其在南經費仍由各州縣將向來

辦漕貼費照舊支用如有不肖官吏借端浮勒著卽嚴參懲辦毋稍姑容州縣運米前赴上海雇用民間剝船著按照市價計日給

發毋許胥役人等封捉剋扣並著出示嚴禁有犯必懲其水手人等著各船自行分給津貼俾船商與舵工水手相安無庸官爲限

制其船商得受耗米原以備盤量折耗及到津補償短絀之用著嚴禁私行折價以杜短交兌米時務押令將耗米全數上船方准

開行其商船到津由海口挽至上圍需雇緣夫見經該督等議定各州縣於兌米時每水一石給船戶制錢四文作爲該船到津雇

夫工價並著直隸嚴飭地方官禁止繒夫擾價把持毋許延誤其商船卸米吃土壓載著直隸地方官該撥官地若干畝准令吃土

如有地棍把持情事立即嚴拿究辦其自津運通令經親親押一節前已降旨仍由直隸派委員弁分撥押運實力巡查毋許經紀

等詭索滋弊總期在南不至以津貼病官以徵收擾民在北不至以刀難累商以剝運傷米方爲妥善○庚寅諭昇平署太監苑長

青脫逃潛匿一案惇親王於該太監私投入府理應卽時送交內務府照例治罪乃任其潛匿直至該衙門行文傳提尙不卽行交

出轉令人帶出冀圖掩飾見經內務府將該太監拏獲究訊明確據實具奏所有案內人犯除由該衙門按律定擬外惇親王押比

匪人不自檢束著交宗人府嚴加議處○癸巳諭惇親王縣愷從前在上書房時於文史弓馬全不留心押比便倭不喜正言 皇

考仁宗睿皇帝暨 聖母皇太后屢加訓誡罔知悛改朕御極後篤展親之誼將伊晉封親王念其年逾三十冀可諳習時事近年

派管旗務並補授宗人府宗令每於召見時所以教導者剴切周詳無微不至乃伊習與性成不自檢束前曾與太監張明得私相

往來旋因張明得在昇平署當差不能常往復起意令將太監苑長青展轉引出於上年冬間誘令在府藏匿實屬膽大妄爲迨經

發覺內務府行文該王府提傳尙以府中並無苑姓太監枝梧聲覆直至訊供確鑿不能再匿又私令舒凌阿將苑長青帶至清河

地方作爲九月間逃走希圖掩飾是誠何心本日據宗人府議將伊革去王爵固屬咎所應得但朕心究有所不忍縣愷前經降旨

退出內廷行走並革去一切差使著加恩降爲郡王此係朕小懲大誡望其改過自新懃懃宜倍知感愧加意檢束諸事小心無負朕教誨成全至意若仍任意妄行復萌故態朕必執法嚴懲不能再邀寬貸也○免哈密回民春借麥石○乙未諭本日常審勾到有官犯斌靜色普徵額二起斌靜前在喀什噶爾參贊大臣任內行止不端失於撫字經刑部會同宗人府照激變良民律問擬斬候色普徵額在喀什噶爾幫辦大臣任內逆回張格爾入卡追至霍爾罕莊逗留不進貽誤事機經刑部照失誤軍機問擬斬候該犯等罪狀若係即時發覺朕必執法從事決不寬貸惟事隔數年並無實在證據該犯等在部亦未經取有確供罪疑惟輕俱從寬免勾斌靜著宗人府永遠圈禁色普徵額著刑部永遠圈禁以示朕法外施仁至意○辛丑諭賀長齡奏親母年逾七旬請於湖南近省量予更調等語所奏雖係實情但各省藩臬經朕簡任原期人地相宜若紛紛奏請或竟有心規避亦不可不防其新賀長齡見調江甯布政使已較山東爲近著即赴新任所奏不准行○是月賑湖北江陵監利二縣及屯坐各衛水災給奉天廣寧縣被水站丁口糧貸山西定襄潞城二縣旱災倉穀黑龍江墨爾根城歉收口糧緩徵安徽壽州等二十二州縣及屯坐各衛湖南澧州安鄉縣水災新舊額賦直隸冀州等十一州縣遺賦貸糧江蘇高郵等二十五州縣衛被水賦課並太倉等十州廳縣衛節年銀米湖北沔陽等十五州縣被水額賦

十一月癸卯諭前因英和面奏步軍統領衙門番役緝捕得力曾經降旨凡番役子孫准其應試武場出仕武職仍不准由文途考試出仕以示限制茲據御史沈崑崙奏番役入仕及番役子孫應試請仍改歸舊制等語番役專司緝捕原與各項執役人等無異從前嘉慶年間節經欽奉 皇考仁宗睿皇帝諭旨番役中得過頂帶者止准暫用頂帶不准實缺補用其子孫不准選用官職此後亦不准再行應考等因仰見我 皇考激敘官方慎重名器之至意該番役投充之初原不問其身家清白與否一經准其出仕則凡身家不清者或藉此爲進身之階不可不防其漸此等人役畀以戎行重任既非素習操防亦復難資表率嗣後番役人等除著有勞績特旨獎賞錄用外該番役及其子孫均不准應試武場出仕武職以符舊制而清流品○乙巳諭前因蔣攸銓等會奏請將蘇松等四府一州仍用海運不許盤壩嗣後該督又單銜具奏請酌量少留數幫經朕嚴飭軍船全數歸次不准一幫暫留因該省已雇備海運船隻是以姑允所請朕意實有未愜茲該督奏稱糧船歸次並不爲遲仍可修船出運其海運沙船儘可給還承攬聽其另裝商載所有蘇州松江常州鎮江太倉四府一州請仍照常河運等語以本年河湖情形而論海運本不必行原應如此辦理該督久任封疆自應確有把握何竟茫無定見一至於此若非朕屢加駁斥恐該督尙不免仍執前說也見在海運沙船僅據投具承攬船價均未給領其船商應雇水手及添置蓬索什物均未受雇置備所有前議海運著即停止其蘇松常鎮太倉四府一州仍著照常河運至攔黃埭以內清水塘河底會淤必須大加挑挖張井等勸挑塘淤務須格外加深以免重運阻滯並著漕運總督飭爾經筵派押運幫弁食丁修船趕緊受兌江蘇巡撫陶澍查照妥爲經理毋誤兌運其安徽浙江江西湖北湖南各督撫仍

遵前旨將起運新漕督飭各糧道早兌早開總期於四月初十日以前全數趲至清江起期抵壩以便渡黃冊許延誤將此通諭知之○諭軍機大臣等長齡等奏探明首逆確蹤分飭截擊防堵一摺張格爾寶赴庫蘇地方聞警逃至阿坦台等處意欲糾合各布噶特再來搶喀什噶爾並搶烏什卡倫阿坦台等將張逆留住又據奇里克受滿布噶特比薩底伯克等願往托古托斯羅設法擒拏此等情節俱不可盡信惟該夷大羊成性難保不隨同附和薩底伯克等或以報信爲名探我虛實均未可定自應周密嚴防長齡等賞給銀牌等物諭令擒獻並遣色星額等由彼確探嚴諭阿坦台等兼諭烏什布噶特截拏所辦俱是達凌阿尚未行抵阿克蘇即著折回帶烏魯木齊官兵四百五十名並留防阿克蘇官兵五百名赴烏什駐紮並著移咨德英阿遣協領前赴哈薩克阿布論令協力截擊又另摺奏善後事宜大槩情形所請喀什噶爾另建城垣在迪南二十餘里之喀喇依地方已於九月興工並將逆產銀八萬三千六十兩撥用俱著照所奏辦理惟所稱英吉沙爾葉爾羌二處另築新城建蓋兵房衙署情形殊未明晰著交該大臣勘定分別辦理由長齡分晰具奏所請一切科派陋規永遠革除不准藉端攤派謾寫簡明告示張貼並著勒石以垂久遠係必應查辦之事至留兵一萬八千名自係未經接奉前降諭旨著俟長齡等覆奏到時再行覈辦再前此諭旨內巴爾楚克未准駐兵惟查此地係葉爾羌前往阿克蘇要路著長齡等酌量是否應留弁兵駐守據實具奏所奏大河拐一帶屯田及裁撤卡倫侍衛改設綠營備弁兩條著大學士軍機大臣會同兵部議奏所請口外田地不能科畝房屋俱係土築難照內地造冊報部著照所奏辦理其新城東南建築土堡駐紮伊犁滿兵並將所占新城回子莊田俟撥產撥還並每戶賞給銀兩以爲遷移之資俱著照所請行前因四城辦事大臣俱經簡放有人是以降旨令長齡回京供職見在武隆阿患病開缺所有一切善後事宜應辦者甚多長齡著暫緩來京督同楊芳等悉心辦理如已啓程即行趕緊回禮部新鑄喀什噶爾參贊大臣印信著附便發去長齡等轉飭該參贊祇領○丙午諭蔣攸銓等奏已革河工通判呈請捐復原官一摺南河已革中河通判萬承紫前因承辦工程草率經該河督等奏參革職茲該督復以該革員年力未衰在工素稱勤奮奏請捐復原官實屬先後矛盾若准其所請則辦公草率之員尙復何所徵畏所請將萬承紫捐復通判原官仍留南河差委之處著不准行○庚戌子那彥成欽差大臣關防馳往喀什噶爾會同長齡等辦理善後事宜以屠之申署直隸總督部政○甲寅飭禁丁憂人員毋許逗留他省並投效河工軍營○乙卯諭軍機大臣等前因各城辦事大臣俱經簡放是以降旨令長齡回京供職旋因武隆阿患病復降旨令長齡暫緩來京如已啓程即趕緊折回喀什噶爾並因長齡偶患脾瀉復令那彥成作爲欽差大臣會同長齡辦理一切善後事宜茲據長齡奏四城雖復原狀志未定該逆竄至托古托斯羅地方難保不復萌故智請暫留軍營督辦等語所奏甚是長齡著仍遵前旨在喀什噶爾辦理一切其揚威將軍印信即著留彼鈐用那彥成到彼尙需時日其一切善後事宜應辦即辦不必等候至張逆見竄阿坦台汰劣克愛曼距烏什較近前已降旨令達凌阿折回赴烏什駐紮會同多貴督兵嚴防並著長齡移咨德英阿遣協領前赴哈薩克阿布拉論令協力截拏儘據

卡外投轄即達奏聞○戊午裁回疆額設守卡侍衛三十員○乙丑裁貴州普安廳屬土守備平遠州屬土把總○己巳以回疆凱撤官兵過境免奉天遼陽等七廳州縣地丁銀十分之四○庚午諭英和奏熱河都統衙門事務較繁向於辦事理藩院刑部司員外酌派參領佐領一二員幫辦並非奏案亦無定額見復新定章程旗民案件均歸都統衙門審辦該參領佐領駐防年久迹涉嫌疑委令聽斷易滋物議惟案牘較前加繁數倍請派刑部主事一員前往等語著照所請除向例應派實缺司員外再於刑部候補主事內揀派熟悉刑名者一員前往幫辦不可以無能者充數如果始終奮勉三年期滿由該都統出具切實考語送部引見量予補缺以示鼓勵所有舊委刑司兼行之參領佐領等即行裁汰其向設筆帖式二員專令繕清譯漢不准干預案件○辛未甲禁武職衙署僕役濫占名糧○是月賑甘肅岷州等六州縣水災電災緩徵岷州等八州縣江西南昌新建二縣水災額賦江蘇太倉等三十州廳縣衛通賦

十二月壬申朔諭吏部具題山東省大計卓異本內新城縣知縣容昌一員該該撫賀長齡原註惻隱慈祥考語為政之道貴在勸懲得中若曲徇輿情槩從寬厚勢必至水懦民玩姑息養奸地方官職司民牧總須審於寬猛相濟之理遇事知所操縱豈因一意慈祥遽爾列為上考直省督撫當於屬吏中體用兼備熟明治理者登之薦牘固不可任武健嚴酷之吏為害閭閻亦不可長異悞優柔之習稍形廢弛特通諭各督撫等知之○甲戌命嗣後新疆地方遇有懷挾私讐殺害本管官之案請旨即行正法○丙子諭軍機大臣等長齡等奏卡外稟報張逆近日情形及見在籌辦一摺張逆聞大兵陸續撤回膽敢分遣回子向各愛曼借兵借糧意欲仍來搶占喀什噶爾可見狼子野心雖竄敗遊魂仍敢覘我虛實該將軍前次虛延月日一無措置豈未慮及此耶阿坦台等稟稱張逆跟隨二百餘人不敢下手見在給伊搬至伊里斯滿底處再來稟知前往掩拏顯藉投稟為名打探官兵數目該將軍面加諭斥並譯發回字諭帖尙為得體前已降旨留兵一萬八千名並令那彥成為欽差大臣趙程前來會辦一切該將軍即照所留兵數分派駐紮要隘星羅棋布嚴密防範斷不可輕率出卡致有疏虞所有善後事宜應辦即辦不必等候那彥成到彼致延時日○辛巳敕諭哈薩克阿拉布曰據伊犁將軍德英阿等奏接據揚威將軍大學士長齡咨稱探明張格爾要由布魯特哈薩克路徑逃往布噶爾之信即發諭帖給阿拉布務將張格爾圍住以便官兵督同拿獲據阿拉布稟稱今年秋收後有霍罕伯克帶人在皮斯格克築城寄信哈薩克前去遊牧並允從情願擊獻張格爾差台吉伊賴里與將軍遞馬等語情詞恭順具見惻誠自爾祖父投誠天朝世篤忠貞其為出力朕所深知爾遊牧地方距霍罕甚近霍罕帶人在皮斯格克築城爾能深明大義不肯前往朕甚嘉焉茲頒賞蟒袍一襲大段四匹用昭優賚霍罕狡譎性成恐此後仍不免多方引誘爾須持以定見不為所愚庶不至受其盤剝自貽後悔爾當督同部落人等安居樂業不可輕易更動僅張格爾竄至附近地方爾能偵獲縛送伊犁朕必照賞格賞爾元寶三千錠晉封爾以王爵永承恩眷延及子孫爾既受茲寵錫益當感恩出力永為天朝屏翰仰副朕撫遠綏來至意○丙戌以吉恒為四川按

察使○乙未召福縣案京調松廷爲倉場侍郎保昌爲兵部右侍郎誠端爲盛京工部侍郎福祿○己亥辛從益以病免調白銘爲吏部右侍郎以申啓賢爲工部右侍郎由內閣○是月緩徵江蘇海州等三十一州縣衛水災舊欠額賦○是歲朝鮮琉球暹羅來貢○會計天下民數數各省通共大小男婦三萬八千三百六十九萬六千九百九十五名口各省通共存倉米穀三千一百五十五萬二千七百六十九石二斗四升四合八勺

道光東華錄十七

道光八年戊子春正月壬寅諭朕伯儀親王年已八旬有三精神矍鑠步履強健實爲天家祥瑞向來入朝雖得於禁輦乘坐二人荷轎惟露夜不免衝寒究非高年所宜著加恩在紫禁城內乘轎行走並於應得王俸之外每年加賞俸銀五千兩以示朕親親敬長之至意○丙午命英和馳往江南會同蔣攸銑查勘湖河○丁未諭軍機大臣等蔣攸銑奏新漕起運渡黃請將幫船所帶貨物暫行起卸一摺所奏是據稱向來漕船到淮挽過清江福興等閘溜急水深未能迅速以致開壩渡黃易於脫空固由過閘稽遲亦船身笨重所致見在順黃壩誌椿黃水高於清水一尺五寸節交春令能否再行暢消照常啓壩通漕勢難豫必惟渡黃必須迅速無論開壩倒塘總以船身輕便爲要本年出運幫船於每船額帶土宜之外准其再加三十石船身喫水更重將來行抵清江萬一仍須倒塘北渡如一船阻滯則河口停淤必致權放羈延更爲全漕之累等語本年新漕起運前經降旨務於四月初十日以前全數渡黃若船身笨重趨渡遲延致誤定限自應豫爲籌計著該漕督等接奉此旨即分飭各糧道將幫船所帶貨物於高坂頭地方暫行起卸俟渡黃後再將貨物歸載並合該管河員於各閘多添關纜人夫俟漕船到時即加緊催趕渡黃俾奏安速以符定限○戊申實授劉彬士浙江巡撫以邱樹棠爲刑部右侍郎○癸亥諭三載考績爲激揚大典滿漢大臣中如能盡心職守勤勞懋著者自應給予甄敘年老而精力不衰仍堪留任其年力已衰或素有疾病者亦難曲爲姑容此次京察吏部將內外各大員開單具奏朕細加酌覈大學士曹振鏞尙書文孚王鼎王麟穆彰阿去歲因贊襄軍務承旨宣勤業經分別施恩此次無庸再行議敘協辦大學士理藩院尙書富俊年已八旬精神強固辦事照常前在吉林將軍任內宣力有年公慎勤果克稱厥職戶部尙書禧恩自簡授御前大臣以來勤慎扈從管理諸事俱能妥協俱著交部議敘工部侍郎韓鼎晉年近七旬身體多病著以原品休致直隸總督那彥成自調任以來盡心職守操兵緝盜等事不遺餘力甚屬認真閩浙總督孫爾準於道光六年辦理臺灣滋事匪徒遠涉重洋克臻安速俱著交部議敘餘著照舊供職○論長齡等奏生擒首逆由八百里加緊馳報紅旗一摺覽此捷奏實深嘉悅上年十二月逆裔張格爾糾約布魯特多人欲乘歲除潛入卡倫經長齡楊芳分帶官兵探聞該逆向阿爾圖什回莊前來因被黑帽回子四百餘人持械攔阻旋即折竄出卡楊芳帶領官兵連夜趕到卡外喀爾鐵蓋山內追及賊尾公路兜剿立斃賊匪二百餘人該逆在前率領馬賊三百餘人迎面衝突我兵排槍抵敵先令馬隊官兵鈔及賊後領隊大臣阿勒罕保等復分路帶兵下壓賊匪向山溝逃

竄我兵力追剿雖三百餘人僅勝馬賊三十餘騎擁護該逆上山總兵胡超等飛騎直前追捕山高路滑眾賊棄馬而上胡超等率領官兵回子亦棄馬窮追斃賊五名餘賊滾山逃竄復奔大磴該逆止賸賊匪十餘名擲石回擊都司段永福及額爾古倫胡超各帶兵擁上山巔盡力追及該逆情急將欲自刎胡超段永福錫伯馬甲訥松阿舒與阿兵丁楊發田大武等奮力生擒並獲賊目八名餘賊斃戮無遺飛章奏捷此皆仰荷 昊蒼嘉佑 祖 考垂庥俾得元兇就縛遺孽剷除洵足以安邊徼而快人心朕寅威之餘與中外臣民同深慶幸長齡等統師進剿若能於克復喀什噶爾時就地擒渠其顯功不續當與兆惠阿桂後先媲美見遲至十月之久始將該逆擒獲功已稍次惟念該將軍等督率官兵不避艱險於卡外臨陣生擒巨憝檻送京師與檄諭外夷設計縛獻者迥不相同其在事將領官兵等爭先效命自係該將軍督率有方仍當渥沛殊恩用昭懋獎長齡著加恩錫封威勇公爵世襲罔替並賞戴寶石帽頂兩團龍補服授爲御前大臣賞用紫韁換戴雙眼花翎並解賜佩囊二件寶石頂一箇雙眼花翎一支龍補一副白玉雙喜翎管一箇御用白玉搬指一箇白玉吉祥如意佩一件黃辦珊瑚豆大荷包一對小荷包四箇楊芳著加恩錫封果勇侯爵世襲罔替並賞用紫韁換戴雙眼花翎在御前侍衛上行走並頒賞雙眼花翎一支白玉巴圖魯翎管一箇御用白玉壽字搬指一箇黃辦珊瑚豆大荷包一對小荷包四箇其子有無官職見年若干著查明具奏長齡楊芳並開復一切處分楊遇春武隆阿雖未與其事惟前會督兵進剿克復四城此時首逆就擒大功告成亦應量予恩施楊遇春武隆阿任內一切處分悉予開復總兵胡超著加提督銜賞給騎都尉世職並頒賞白玉翎管一箇白玉搬指一箇大荷包一對小荷包四箇總管額爾古倫著賞加副都統銜都司段永福著賞給雲騎尉世職仍以參將即行升用並頒賞白玉翎管一箇白玉搬指一箇大荷包一對小荷包四箇馬甲訥松阿著賞給佩勇巴圖魯名號舒興阿著賞給紹勇巴圖魯名號俱仍以防禦即用兵丁楊發著賞給直勇巴圖魯名號田大武著賞給確勇巴圖魯名號俱仍以守備即用上四員均照例賞戴花翎貝子伊薩克自軍興以來諸事奮勉實心出力茲復帶領回眾隨同楊芳等出卡擒賊忠勤可嘉著加恩晉封郡王並頒賞白玉翎管一箇白玉搬指一箇大荷包一對小荷包四箇所有在事出力官弁兵丁著查明秉公保奏候朕施恩共攔阻張逆之黑帽回子四百餘人及隨同伊薩克出卡回子著長齡等查明分別從重獎賞兇據該將軍派誠端等押解張逆來京進關後著沿途督撫派令文武大員帶兵接站接護送毋稍疏虞長齡自赴回疆總統軍務宣力年餘今得戴此大功旋師奏凱著俟那彥成到彼將善後一切事宜詳細交代即迅速來京展覲以慰塵懷將此宣諭中外知之○諭我朝定鼎以來 關帝屢彰靈佑昨據長齡等奏上年張格爾煽亂遣其逆黨擾近阿克蘇當官兵衝擊之時斗起大風塵沙飛揚該逆等遙見紅光燭天遂被殲擒又長齡等督兵進剿師次渾河沿該逆等竟夜擾營風起猛烈官兵乘風衝賊俘敵無算次早接仗時據獲賊僉供又見紅光中兵馬高大不能抵敵即各竄逸此皆仰賴 關帝威靈顯赫默祐賊醜用克生擒巨憝永靖邊圉應加展誠敬以期億萬年護國安民著禮部擬加封號數字具奏用答 神庥尋議上得旨加威顯二字封號○甲

子以李字瀚爲工部左侍郎由左副都御史遷○翰林院侍講學士銜秦承業卒贈三品卿銜賞治喪銀三百兩○乙丑諭自道光六年喀

什噶爾用兵以來軍機大臣曹振鏞等佐朕進籌軍務夙夜勤勞承書諭旨巨細無遺去歲因四城雖復首逆未獲曾經指示恩榮

朕意未慍茲元兇生獲紅旗報捷軍機大臣等尤當再沛恩施用昭獎勵大學士曹振鏞著晉加太傅銜賞用紫轡吏部尚書文孚

著晉加太子太傅銜賞用紫轡戶部尚書王鼎著賞戴花翎兵部尚書王麟著晉加太子太保銜工部尚書穆彰阿著晉加太子少

保銜即在軍機大臣上行走仍俱著照軍功交部議敘其滿漢軍機章京等著照軍機大臣福列一二三等侯旨施恩○諭楊遇春自

簡署陝甘總督以來辦理諸務悉臻妥協前因逆回滋事授爲參贊大臣差赴軍營上年進兵克復喀什噶爾英吉沙爾葉爾羌皆

係楊遇春身親督率其派委將領收復和闐亦復調度有方實爲盡心出力著加恩賞授陝甘總督○定回疆員弁管轄考覈章程

並增給養廉○丙寅晉將收歸太子太傅復次和太子太保○命那彥成仍帶欽差大臣關防赴喀什噶爾備楊芳辦理善後事宜

○戊辰諭昨因車臣汗阿爾塔什達等在理藩院具呈請復奉祀清吉斯汗墳墓舊有之太師等虛名托津富俊二人意見不同各

自具摺請旨此案於道光四年經前任歸綏道岳祥等將達爾哈特之蒙古羅布桑沙喇布霸占產業商同太師畢哩棍達資呪畢

桑刺嘎爾第一案審明定擬報部並因太師等名與例不符另請改定別號茲據理藩院以蒙古人更張風氣斷不可長所議駁者

尙屬備例辦理准念看守清吉斯汗墳墓之蒙古歷年已久太師虛名由來如此相傳伊等既無頂帶鐵纒又不干預公事尙屬無

關緊要著加恩卽報車臣汗阿爾塔什達等所請准其仍復此項承辦祭務之太師太保扎濟桑津津等虛名著該院轉行嚴諭該

盟長濟農等所有充當太師等名之蒙古止准令其奉祀清吉斯汗墳墓臺不可干預公事倘有假此名號妄生事端者不惟將該

蒙古治罪仍將該濟農一併議處○己巳賞楊遇春紫轡○是月給江蘇沛縣貧民口糧貸直隸滄州等九州縣災款口糧湖北江

陵監利二縣及屯坐各衛籽種山西定襄等四縣倉穀江蘇江甯京口駐防修屋費緣徵山東濟南等四州縣衛新舊額賦

二月壬申 上御經筵○癸酉以萬方華爲湖南按察使由內閣學士調○甲戌諭軍機大臣等長齡等奏訊明擊獲賊目分別辦理一

摺此次在喀爾噶蓋山生擒賊目及陸續搜獲活賊探子駢誅並將賊目邁瑪特玉素普等九犯於昭忠祠前正法處治摘心致祭

忠魂庶可稍紓積憤惟叛逆前克博巴克與邁瑪特呢雅斯等俱係逆裔親信夥黨得受偽職前由霍罕逃出往尋張逆又於途次

迎拒傷及官兵外應查拏務獲盡法懲辦以申國憲見在首逆就擒餘黨悉獲而博巴克等逆賊尙在稽誅會否查有下落該總不

過在近卡各部落藏匿務當設法擒捕更不値動用大兵至所奏阿坦合聞知張逆被獲業經遣該將軍撤詢汰劣克等責令阿

坦合接捕審賊贖其前罪但使其知感知懼不必盡以法繩所見極是前此該將軍等因張逆家屬及玉素普尙在霍罕布噶爾地

方撤諭該部落令其送出如果畏我兵威遵檄解送盡絕根株回屬妥善備寬有意觀望亦不值與之相載但當明白宣諭以張格

爾卡卡壁逆兒已生擒繼送京師明正其罪國法用申其家屬潛匿外夷苟全生命無足重輕爾等部落能知大義悉行縛獻固見

惻隱力有不能天朝亦不以區區逆回子女重勞師旅歷境接擊致沿途恭順各部落驚懼滋擾長齡等當善體此意傳檄前往斷不可令其窺我虛實或別生枝節重費周章也此時那彥成已經出關長齡計算該督何時可抵喀什噶爾該將軍何時可以交代起程何時可以到京先期由六百里覆奏以慰廑盼○乙亥諭諸王大臣等以紅旗奏捷元惡生擒合詞懇請加上尊號雖係援據典章斷難俯加俞允前者西陲用兵原非得已幸賴 昊蒼默佑 宗社鴻庥迅奏膚功永安邊徼朕方日深祇懼豈肯崇尚虛文欽惟我 列祖聖德神功超越往古殊勳彪炳史冊垂垂康乾隆年開廷臣屢請加上尊號俱未 允行仰見 聖懷沖抑洵足為奕漢法守惟念銘勳偃武皆由 聖母福庇國有大慶允宜祇循令典備極顯揚朕謹當躬率王大臣等加上 皇太后徽號共申賀悃用昭 慈幃壽喜所有應行典禮其敕所司敬謹詳議以聞○丁丑諭吏部將長齡等公爵侯爵應作何等秩之處查照定例請旨大學士長齡著封為二等威勇公陝西固原提督楊芳著封為三等果勇侯○諭軍機大臣等此次回疆用兵自渾巴什河堵禦賊匪痛加殲戮已為剿賊先聲迨大兵雲集先將柯爾坤伏匿回匪剿洗淨盡絕其應接嗣是長驅直入勢若摧枯迅復四城生擒大惡凡我將士勞績卓著均應繪成戰圖以彰武成盛典著將軍巴什河柯爾坤洋阿爾巴特沙布都爾莊阿瓦巴特攻克喀什噶爾克復和闐及喀爾鐵蓋山各戰功繪圖八分所有各該處山川形勢及將帥士卒若何督兵若何接仗各情形詳晰聲敘分條貼說迅速具奏○癸未以慶敏陳用光俱為內閣學士兼禮部侍郎銜 慶敏由散秩大臣 陳用光由散秩大臣 多山楊懌會俱為左副都御史 條陳直隸舉人孫奇逢從祀 文廟

○癸巳免忠良回裔被殺後悔罪歸誠之遺黔黔特部對等治罪○左都御史史致光卒予祭葬○丙申予前明

文廟

三月庚子朔日有食之○諭英和等奏查勘湖河各工完竣一摺前據張井等奏湖河應辦要工四條經朕特派英和馳往江南會同蔣攸銑查勘茲據英和等動擬情形分別緩急具奏內除添作埽壩一項不能疏通積淤徒糜經費無庸置議並海口接築長隄俟二三年後察看辦理外其高堰山圩兩廳加砌湖隄石工運河廳修建劉老澗石壩揚河廳西岸補砌石工俱列為急辦中河廳補還南岸緯隄為糧運經行要道亦應及時修整著張井等俟今冬水涸時再行確估又揚河廳西岸培培緯隄揚廳東西兩岸補修緯隄畝石並移建昭關壩及林家西建立滾水石壩等工俱列為次辦至高堰山圩兩廳洪湖大隄一律寬五丈需項較多著自明年春開為始分三年趕辦見據約估銀三百八萬七千八百餘兩內除劉老澗石壩及堰圩湖隄石工揚河廳西岸加補石隄並修整殘缺土工需銀三十三萬三千三百餘兩業經張井等於奏准撥銀十萬兩先行動用其餘銀二百七十五萬四千五百餘兩著照所請准其分年興辦隨案陸續奏撥此次勘估各工動帑甚鉅該河督等務當認真督辦嚴切稽查總期料足工堅悉歸實用毋得少有虛糜致干咎戾○壬寅 上幸南地行圍○癸卯准慶祥入伊犁祠祀○戊申 上還京師○辛亥 上親耕藉田○壬子賞楊芳子承注舉人一體會武○癸丑 上臨政略爾喀郡王親端多爾濟因居賜奠○甲寅允廷臣請編 御製詩初集